

瓜州續志

地 220.115

742

部 = 1712

丁卯仲冬瓜洲

瓜洲續志

張金鑑署印



丁卯仲冬瓜洲

于凝暉堂校印

序

癸亥重印嘉慶瓜洲志之明年樹滋遵先世父百川公遺志不揣謏陋從事編輯續志冀償夙願第念瓜洲全城盡圯入江無地證實其難一故老無存徵訪事實不易其難二道光水災咸豐兵禍里人四散閱數十年一傳再傳各姓後人幾忘故里其難三府縣志書雖可稽考引證無如註明瓜洲鎮人者十之一二遇有疑似未便臆定其難四各族家譜易采事蹟奈兵燹流離率多遺失間有存者亦殘缺不全其難五具此五難幾至擱筆然畏難輒止如繼述何於是彙集歷年摘錄瓜洲事實種竹軒瓜志殘稿鈔本並徵獲熊氏張氏

瓜洲續志

序

一

魏氏下氏蔣氏家乘遺編更借觀古今各種書籍廣爲搜求分類彙錄先後馳書四告博訪周諮以備甄采惟樹滋老病頽唐苦難伏案作字每倚匡床懸肘執卷書寫未間寒煖甲子歲後兵事迭起居室雖有遷移凡志稿書籍攜帶弗離既得居所支板作案從事纂輯督率諸孫授紙繕寫按照前志體例增缺補遺從史家斷代例以宣統三年爲止時歷四年成書二十九卷昔德清俞曲園先生有言鎮志詳於縣志縣志詳於府志府志詳於通志以備采擇樹滋悉本此旨舉凡忠孝節烈尤博采詳稽廣徵事實俾闡幽光以垂久遠此則區區之微意也樹滋學殖久荒三長素乏自知屬稿繁蕪大

雅貽譏竊幸晚年與丹徒高君葵北訂文字交事先有所商
權甲子冬高君以憂憤逝世不獲觀成引以爲憾如臯冒君
鶴亭權稅鎮關與從弟筱川時相過從凡有疑問因得就正
獲益尤多極深感佩樹滋衰年久病精力日頹稿經屢易而
疏略糾繆殆不能免欲再求精審必稽歲時倘天不假年此
稿散佚不獨夙願未償更何以慰我 先世父靈爽遂急就
成編用聚珍字排印何敢災及棗梨惟冀

博雅君子深諒一手一足之烈進而教之非樹滋一人之私
幸也已丁卯仲冬里人德甫于樹滋序於市隱草堂

瓜洲續志凡例

一嘉慶志

以下簡稱前志

恭錄

宸翰冠諸卷首今仍敬遵惟將

宸翰諭旨分先後恭載凡前志漏未錄登者謹敬補入仍冠卷首

一疆域前志殘缺今查府縣志補入凡轄境洲鎮村莊坊舖濠塘橋閘皆附之

一山川前志亦簡略查乾隆江都縣志子目載及江淮海况轄境東南濱臨大江城北運河爲淮河尾閘焦山以下昔稱內海曲江廣陵濤昔賢指實在瓜洲城北城南界至金山中泠亦在轄境勝蹟名泉皆應錄載至漲沙潮汐悉與

瓜洲續志

凡例

一

濱江洲地大有關係博稽諸籍詳爲甄錄俾資參考

一前志只載河志兵志漕運獨付缺如似有散佚今檢查各籍凡乾隆以後關於河務採擇編入咸豐間粵亂兵事軍務同治間新設長江水師營制一律採錄編載至漕運瓜城爲南漕出江入河要衝每年督運大臣蒞臨典極隆重今詳稽疏奏冊報甄錄增入

一前志載前代掣鹽渚上冠蓋絡繹繁盛殷阜甲於揚郡自移掣眞州街市寥落有盛衰之感是鹽法實有關係洪楊劫後湘鄉曾文正公開府兩江兼管鹽政奏請設局於轄境之六濠地方希望復興無如地不效靈江潮肆虐濠地

逐圻無可補救鹽局又移設十二圩瓜市逐漸衰落惟兩朝設局掣鹽鹽法亦關要政因備錄之

一立關徵稅設自明代有清因之關設開口故名由開同治後移設揚子橋三汊河仍係瓜洲轄境今雖開章因時變更仍查照舊制載入續志

一前志職官散佚選舉亦簡略今詳稽府縣志巡檢司檔案分別編輯增載長江水師鎮標職官惟辛壬政變檔案散佚不全必多遺漏新增世職坊表及順治丁酉海寇殉節男女名氏紀錄粵亂殉難紀略藉以闡揚而紀事實

一前志衙署附諸疆域今編續志特闕公署一門凡已載前瓜洲續志
凡例
一一
志及久廢無存者不再編入新建水師衙署並捐局稅所善堂一併詳載

一古蹟前志缺佚今依據種竹軒志稿殘本兼詳檢府縣志書及蒐求各家專集分類編輯惜城圻入江古蹟同歸於盡所存者非復舊觀滄桑變易爲之慨然

一寺觀前志尙詳惜疊遭兵亂琳宮紺宇蕩然無存縱有新建亦因漏就簡非復昔年宏規今備錄之庶知瓜城及轄境內之寺觀昔多名勝耳

一宅園墓初擬併入古蹟繼以事實較多特闕一門庶可詳載雖宅園無存久成陳跡然唐宋以來巨宅名園豈可缺

略按誌墓體例墓所在地方應編入惟瓜洲濱臨大江全屬沙土歷朝葬本境者只屬少數鎮江鄰近且係高阜里人先墓皆葬丹徒今擇文字可紀者詳爲編入得此記載庶可垂久不致湮沒

一善堂規章表面似無關宏旨按之實際足以表前賢創設之艱難啟後人繼起之觀感如育嬰堂同善堂恆德堂歷久不廢雖規模大遜從前然周濟貧黎良有裨益至若舊有救生新設義渡尤表表可紀者凡屬善堂恆產有冊籍可稽者一併附錄惟願已廢者創始後人繼起復興現存者經理賢豪奮勉勿墜庶使善堂悠久恆長地方受福非

瓜洲續志

凡例

三

淺

一祥異前志未載今博采府縣志及各家書籍編入至風俗農諺訪之父老證之習聞擇雅飭可徵者載之亦古者歲時有紀義也

一人物前志多有散佚遺漏新編續志徵文考獻凡府縣志所載確知爲瓜人者及各族家乘傳誌有合於體例者合之前志分類編入計分名宦寓賢忠節孝友篤行宦績儒林文苑義行隱逸藝術人瑞釋道意在闡揚庶前賢遺徽不使淪沒也

一列女前志於孝貞節烈未分別錄載今編續志詳查府縣

志各族家乘及采訪可據者分烈婦節婦孝婦壽婦賢婦名媛孝女貞女烈女並附載前人旌表鈔冊祠祀神牌全錄粵亂殉難婦女名冊俾闡幽光以垂久遠其中雖有前後互見未便刪節以存其實云

一藝文前志亦復從簡今編續志凡府縣志所載前志未錄者及各家詩文專集詳加甄錄分類編載一曰名人題詠歷朝名人道經渚上留題詩章皆歸之一曰名人撰述歷朝名人凡爲鄉賢撰紀叙傳銘贊詩文諸什皆歸之一曰高郵賢著作凡歷朝高郵賢詩文皆歸之前賢有專集行世者割愛不盡錄前有專集年湮代遠原集不存或僅存孤本

瓜洲續志

凡例

四

及殘缺遺稿搜求釐訂篇幅雖多廣爲編入更有零簡殘篇亦必錄載吉光片羽尤爲可珍得廣流傳繁冗之譏所不計也

一書目錄自府縣志書徵之前人傳誌彙集成篇碑目亦如之其有關地方興利除弊官署示諭一併錄載得以垂久瓜地歷朝富裕世家大族古物珍藏甚多所惜歷朝浩劫百物蕩然無存今據父老所稱道者略誌之以見一斑

一他郡縣志闕雜文一門今仿之凡事可徵信及有關係文字無可附麗者皆入之

一前志載有雜錄今因之博采羣籍綴拾增紀各注書名以

資稽考

一渚上十景及古跡名園夙聞有圖惜歸浩劫今繪錦春園圖照揚州畫舫錄摹仿大觀樓圖據江都縣志鈞撫全境地圖地坍入江無所依據難以着筆所幸再從弟召南於同志初元遷回故里時瓜洲東門城垣尙存半壁東北兩水關亦仍孤立幼歲往來知之最諗默揣地勢參以稅關地圖草繪全城半城全坍三圖及坍後東西北轄境之圖惟轄境繪圖重在實測奈近年長江大溜北趨轄境沿江圩岸逐漸坍瀉冬春尙稱沃壤夏秋已成巨浸變更靡常測量仍無標準圖成地坍欲地以圖傳不可得矣今付印

瓜洲續志

凡例


五

各圖亦止略留陳跡而已


一編輯續志徵文考獻不厭求詳凡知同鄉遷居異地者馳書四告囑友轉言冀得各族先代事實詩文遺作藉以編纂奈應者寥寥或置之不覆或遲不檢寄一再通函覆信渺然幾經困難致延歲月屬稿已定續得事實不忍擯棄爰編補遺附諸每卷卷末籍盡鄙忱庶告無罪

一續志每篇擇要間註按語凡府縣志及前志前人按語皆低一格續編按語低二格以示區別


瓜洲全境圖




瓜洲全城圖




瓜洲全圻地圖



大觀樓圖



錦春園圖



瓜洲續志目錄

序

凡例

圖

目錄

卷首

宸翰

諭旨

卷一

疆域

城池 街巷 都里 舖 洲 鎮 濠 村 莊 洲 圩
港池 溪塘 渡開 堰 埭 塢 淺 岸 橋

瓜洲續志 目錄

一

卷二

山川

江海 淮 湖 汐 漲 沙 河 泉

卷三

河志

兵志

軍政 塘 汎 江 汎 弓 兵 巡 船 炮 水 師 營 制

漕運

卷四

鹽法

淮鹽總棧

卷五

關稅

由開

卷六

職官

選舉

世職

坊表

順治丁酉海寇殉節男女名氏紀錄

粵亂殉難紀錄

卷七

公署

局所

瓜洲續志 目錄

二

善堂

卷八

古蹟 宮殿樓閣亭臺軒

卷九

寺觀

卷十

宅

園

墓

卷十一